

In Dei Filio sibi dilectis RR. Admodum Patribus ,
Fratribus, ac Sororibus universis Ord. Prædic.

FR. VINCENTIUS MARIA F E R R E T T I

*Sac. Theologiæ Professor, ejusdemque Ordinis humilis Vicarius,
& Procurator Generalis, ac Servus, Salutem, pias lacrymas,
& mortis recordationem :*



UAMQUAM ea simus animi perturbatione, eoque luctu, ac
mœrore confecti, ut recentem eamque gravissimam Familiz nos-
stræ universæ calamitatem lacrymis explicare magis valeamus
quam verbis, cogit tamen officii nostri ratio eam vobis nun-
ciare, quo in communi mœstitiæ causa omnes vos in doloris nos-
tri consortium advocemus. Amisimus, seu quod omnino spe-
ramus, in Cœlum præmissus Reverendissimum P. Fr. THOMAS
RIVOLL. universi Ordinis nostri Generalem Magistrum : (*) cecidit
corona capitis nostri, pupilli facti sumus absque Patre.

(*) Thren. 1.

Nonagesimum quintum agebat : ætatis annum, grande quidem,
xvi. mortalis spatium, sed ea mentis sensuumque firmitate, ut nisi tam chari capitis
nos fecisset amor, & desiderium, diu adhuc ominaremur victurum, qui etsi na-
turæ mulum, felicitati tamen nostræ ac desiderio nondum vixerat satis ; quare im-
mature semper funere eripendus videbatur, quem nobis ipsis superstitem voluissim-
us. At spe votique concidimus, ubi conjurata in optimum ac venerabilem senem
una simul tenax pituita, lenta febris, podagricus humor, alvique fluor irrupere
visa sunt, cum quibus dies fere decem luctatus ad extrema sensim deductus est.
Denunciato mortis periculo nihil animo motus, sed quasi gratæ rei excepto nuncio
anteactæ a pueritia vitæ noxas generali confessione expiavit ; mox Sanctissimum Chri-
sti Corpus avidissime expetitur summa religione pro viatico sumpsit : Tum adven-
tante mortem præsentis inungi ad supremam luctum pio animi sensu flagitavit,
ac præsentissima semper ratione, vividique sensibus jugi prece se se Deo ; Coliti-
busque commendans facis instar jam subsidentis inter filiorum suorum preces & la-
crymas placidissime extinguitur die XXII. labentis Mensis hora undecima. Postridie
magna omnium ordinum frequentia, atque Urbe universa amplissimi viri casum,
orbitatemque nostram prolixè commiserante, solenni funere elatus est.

Jam vero quantum nobis amantissimi Patris interitu abstulerit importuna mors,
is facile intelligit, qui eximia ejus in Ordinem nostrum merita, ac beneficia ani-
mo reputaverit. Ea sentibus commemorare supervacaneum ; brevi autem narratione
complexi, cum difficillimum sit, parce admodum presæque indicabimus.

Immortali Familiz nostræ bono Tarraconis in Hispania citeriore natum, atque
ab ingenuis parentibus pie sanctæque institutum, pubertatis annos nondum ingressum
religiosæ vitæ desiderio accensum Barchinonense Cœnobium excepit, ubi triennali
functus tyrocinio, quod definitum emittendis solemnibus votis tempus nondum at-
tingeret, fundamenta jecit virtutis altissimæ. Indolis ad magna composuit, & magna
pollicentis adolescens susceperat vitæ rationes, studia, & officia ita strenue est exe-
cutus, ut ingenio, doctrina, probitate, & virtute æquales suos facile anteciret.
Philosophicis, ac Theologicis disciplinis ubertim imbutum eas summa cum laude pro-
ficientem miratur sunt Civitates non una confertissima semper Auditorum frequentia,
plausu, ac propectu. Cumque non minus sapientiæ, & eruditionis, quam sanctita-
tis, prudentiæ, vitæque religiosissimæ laudem sibi comparasset, Aragonensis Provin-
ciæ Collegiis, ac Cœnobiis regendis ministrandique admotus est, viamque semel ad
Præfecturam ingressus perrexit porro gradu facili ad altiora, cuiuslibet se se muneri
obvando parem ostendens. Quæ cum minime fugerent Antonium Cloche tunc Ordinis
Generalem Magistrum in pernoscenda æstimandaque virtute solertissimum, eum
facile perconvenerunt, ut ad se ne cogitantem quidem ex Hispania arcessitum Provincialem

lem Terræ Sanctæ Sociumque sibi designaret. Max ipsum in sollicitudinum suarum partem vocare, ejus in rebus arduis consilio, & opera, uti, promovendis Beatorum causis præficere; graviorumque negotiorum molem in ipsum transferrere, atque universas fere amplissimi regiminis curas cum ipso partiri, quasi eum sibi, in Ordinis Magistratu aliquando succedurum prænosceret; gravissimoque muneri initiari vellet atque præcludere. Eo autem humanis rebus adempto Aragonensis Provincia de se illi regendam commisit. At communi Reipublicæ bono vir a Deo servatus Generalibus in Comitibus Bononiæ celebratis Anno 1725. omnium sententia præ cæteris dignior visus est, qui supremo Ordinis clavo admoventur. Igitur amplissima dignitate auctus eximiam quam de se concitaverat expectationem non sustinuit modo, sed superavit. Nam quo cæteros præformaret exemplo se se omnibus vivam legem statim exhibuit. Tenax in primis sanctissimarum Institutum nostrum legum immutabili quadam vitæ ratione disciplinam acerrime tenuit, atque ad extremam usque senectutem sancte admodum rigideque servavit. Cibi somnique parcus, juniorum severus custos, laneis ad corpus semper usus, carniem esu jugiter abstinens, quibus ut esurialibus diebus in hac postrema vitæ parte vesceretur BENEDECTI XIV. P. M. intercessit imperium. Pietate autem in Deum, atque in sacra omnia Religione nihil ei prius, & antiquius fuit. In his quæ ad divini Numinis, Sanctorumque cultum exercendum, amplificandum, promovendumque pertinent, non labori parcebat, non diligentia, non sumptibus. Hæc fere quotidianæ ejus vitæ exercitatio. Ante diluculum æternorum meditationi vacare, statisque precibus Deum sibi Sanctosque propitiare, exhomologesim facere, sacris operari vel interesse mysteriis Interdum autem divini officii soluto penso, Deiparæ Virgini, quam colebat impense parvum ejus officium, ac plenas Rosarii preces exsolvere, absolutis vero aut intermissis negotiis ad cælestium rerum contemplationem, orationemque redire.

Factum inde arbitramur ut difficillimam regendi artem, qua mirifice excelluit non tam diuturno rerum usu quam accuratis a Deo precibus sibi compararet. Natus quippe ab eo fuerat acce rectumque judicium, providum, & matrum consilium, zelum in omnibus circumspectum, animum præjudiciis, ac perturbationibus vacuum, æqui in primis justique tenacem, candidum, firmum, constantem, quem nulla flecteret gratia, nulla a recto dimoveret auctoritas; Justitiam vero ita clementia temperabat, ut ad bene de omnibus merendum priorior videretur quam quisque ad rogandum. Severus & asper externam speciem intuenti, sed idem facilis, comis, benignus omnibus eum convenientibus, quibus amantissimi Patris laxabat viscera, ubi non præfidentes aut indigni ab eo quidpiam postularent. His ille dotibus ac virtutibus non ad servanda solum, sed promovenda Ordinis instituta, atque ornamenta feliciter usus est. Ubique vigil, ac solers in omnem Familiæ nostræ utilitatem jugiter excubans, Temper anxius ne officio deesset, semper actuosus ac providus, nullo fractus labore vel territus, ipse per se pervidere singula, illa pendere, illa expedire tanta judicii ac memoriz vi, ea mentis sensuumque firmitate, quæ in homine prope centenariis incredibilis videretur. Ejus propterea diuturnæ procurationis spatio illa nobis obicit rerum tranquillitas, illa felicitas temporum, qua aureum Ordinis seculum rediisse videretur. Eo Præfide ac Moderatore implentem vidimus Romanam Sedem Benedictum XIII. P. O. M. atque immortalis Ordinis gloria quinque ex cœtu nostro sacra Purpura decoratos: Agnetis Politianæ, & Catharinæ de Ricciis præclaræ nomina in Sanctarum Virginum Fastos relata: Benedicti XI. P. M., Stephanæ de Quinzanis, Alvari Cordubensis, Petri Gonzalez, Matthæi Carrerii cultum eo promovere ab Apostolica Sede probatum: Rem Ordinis diplomaticam multis exceptam voluminibus jamdiu vulgatam: Annales nostros feliciter cæptos, brevique ut sperare juvat ad calcem perducendos: Scriptores egregios sane multos, Apostolicos viros pro Catholica Fide martyrio laureatos, atque id genus alia in Fastos nostros referenda, quæ non sine maxima ejus regiminis laude memor & grata posteritas commendabit.

Summis etiam ac principibus viris maximo in pretio atque honore fuisse inter monumenta numerabitur famæ ejus & gloriæ nunquam interitura: atque ut cæteros sileamus Benedictus XIII. præconceptam de illo ante Pontificatum existimationem incredibilis in eum benevolentia nedicam, an venerationis, significationibus toto Pontificatus sui tempore cumulavit. Cui quidem ut viventi gratissimum officii suis retulit vicem, ita majorem vita functo rependit; Nam ejus corporis e Vaticana ad Minervitanam Basilicam summa celebritate translationem promovit, ipsumque magnifico monumento componendum curavit. BENEDECTI vero XIV. Ecclesiæ clavum feliciter glo-